

## **Tikeraanut sullivik**

Nuuk Natur- og Geopark (Nuuk Pinngortitaq aamma Nuna)

Aalajangiiffigisassaq

J.nr: 73.15-A00-20-18

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Namminersorlutik Oqartussat takornariaqarnerup inerisarneqarnissaanut periusissiaata ilaatut nunap immikkoortuini tamani Tikeraanut Sullivinnik pilersitsisoqassaaq. Nuummi Nuuk Natur- og Geopark eqqarsaatigineqarpoq Nuup Kangerluani uumasut, Isukasiani inuunerup aallartinnera qitiutillugit (Tassani seqernup qaamarnganik pinngoqqaatinut takussutissat siullit nassaarineqarput) aamma nunavissuit ingerlaarnerat. Tikeraanut sullivik innuttaasunut takornarianullu siamasissumik saaffiginnittuussaaq nammineq pilersitsinikkut attaveqarnikkullu paasissutissiisoq. Suliassami GEUS-imik (Kalaallit Nunaanni Danmarkimilu nunap pissusiinik misissueqqaartartut) aamma Pinngortitaleriffimmik suleqateqarnissaaq ilanngunneqarpoq.

Naatsorsuutigineqarpoq Royal Arctic Line-p (RAL) Umiarsualivitoqqami illuutini marluusut suliniummut tunniutissagai, peqatigitillugu Namminersorlutik Oqartussat 15 mio koruuninik aningaasaliissuteqassapput.. Kommune 8 millioner koruuninik akiliuteqassaaq sinnerilu avataaniit aningaasaliisussanit aaneqassapput.

Ingerlanneqarnera suliffeqarfimmik imminut ingerlanneqartumik Greenland Visitor Centerimik pilersitsinikkut isumagineqassaaq. Suliamut malinnaasussanik suleqatigiissitaliortoqassaaq, suliap siuarsarneqarnissaanik qulakkeerinnittussamik, tassani Inuussutissarsiornermut Nukissiuuteqarnermullu Naalakkersuisoqarfik, Kommuneqarfik Sermersooq, Suliffeqarfik imminut ingerlattoq Greenland Visitor Center aammalu siunnersortit paasisimasallit peqataassapput.

Aningaasaqarnermut Inuussutissarsiornermullu Ataatsimiititap 2018-imi novembarip ulluisa 8-ianni ataatsimiinnermini suliaq akuersissutigivaa Kommunalbestyrelsimullu inaarutaasumik akuersissutigisassanngorlugu ingerlatseqqillugu.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyelsimut inassuteqaatigaa:

- Kommunalbestyrelsip Borgmesteri pisinnaatissagaa Namminersorlutik Oqartussanik Visitor Centerip Nuummi pilersinneqarnissaa pillugu isumaqatigiissuteqarsinnaaneranut

### **Suliassamik saqqummiussineq**

Namminersorlutik Oqartussani takornariaqarnerup ineriartortinnissaanut periusissami Visitor Centre (Tikeraanut sullivinnik) nunap immikkoortuunik ineriartortitsinermut ilaapput. Visitor Centerit immikkut sammisaqartinneqarput, nunap immikkoortuanik aallaaveqartumik, taamaattumik Nuummi Nuup Kangerlua tamatumunnga attuumassuteqartinneqarpoq. Centerip nunap nammineq pisuussutai paasissutissiissutigissavai: sermersuup ataani nuna, nunaviit ingerlaarnerat, nunarsuarmi ujarak pisoqaanerpaaq, Isukasiani inuunerup aallartinnera (seqernup qaamaneramik pinngoqqaatit takussutissartaat) aamma Nuup Kangerluani uumasut. Centeri Kalaallit Nunaanni nunarsuarmi nuna pillugu paasisat annerpaartaat pillugu oqaluttuassartaanik paasissutissiissaaq, taamaattumik suliniummi aamma GEUS-imik (Danmarkimi aamma Kalaallit Nunaanni misissueqqaartartut) aamma Pinngortitaleriffimmik suleqateqarnissaaq ilanngunneqarpoq.

Centeri siamasissumik saaffiginnittuussaaq, qaffasissusilimmillu ataatsimut misigisassanik neqerooruteqarnermigut innuttaasunut takornarianullu nuannaarutaassaaq, tassani teknologi nutaaliaq, sammisassat ilusilersuinerillu pissanganartut qitiutinneqassapput. Centeri pinngorartitsissaaq, peqataallunilu Nuummumut tikeraanut pinngortitami allanut naleqqiussassaannigitsunik misigisassanik saqqummiisuussaaq.

Visitor Centeri ataavartumik Kalaallit Nunaanni nuna pinngortitarlu pillugit saqqummersitaqassaaq, silami paasissutissiiveqarlunilu sammisassaqaqtitsiveqassaaq, filmertarfeqarluni, ilinniartitsiveqarlunilu pikkorissartarfeqassaaq, meeqqanut atuartunut atuarfinnik sullissinermut atortunik ilinniartitsinernillu ingerlatsisoqartassaaq, caféqarluni, pisiniarfeqarlunilu tamanut ammasunik perusuersartarfeqassaaq.

Ataatsimut isigalugit Namminersorlutik Oqartussat suliniut 120 mio koruuninik akeqarnissaa nalilerpaat.. Kalaallit Nunaanni Namminersorlutik Oqartussat 15 mio koruuninik aningaasaliissuteqassapput Kommuneqarfik Sermersoorlu 8 mio koruuninik aningaasaliissuteqassaaq taakkulu suliap ineriartortinneqarneranut, illussanik titartaasartunik unammisitsinermut, pilersaarusiornermut aammalu tikeraanut sullissiviup piviusungortinneqarnissaanut atorneqarsinnaapput.

Naatsorsuutigineqarpoq RALip illuutimi siunertamut tunniukkumaarai, taamaalilluni Visitor Centeri umiarsualivitoqqap avatangiisimigut kulturianik sakkortuumik pilersitseqataassaaq, Paasissutissiisarfik, Sikukimit kommunimillu pilersinneqartoq, peqatigalugu pitsaasumik tamanna takooqaakkatut takoneqarsinnaalluni, pingaartumik umiarsuarmik takornarianut, umiarsualivillu illoqarfimmi innuttaasunut kulturikkut pisunut qitiutinneqarsinnaavoq. Kommunip suliasap suliarineqarnissaa aamma/imaluunniit pilersaarutip tunngavissaanik nutarterinissaaq, suliap naammassineqarnissaa pillugu, suliarissavai.

Ingerlanneqarnera suliffeqarfiup imminut ingerlatassatut tassunga pilersinneqartup Greenland Visitor Centerip, Kalaallit Nunaanni Visitor Centerit pigineqarnissaat ingerlanneqarnissaallu siunertaralugu pilersinneqartut, ingerlatissavaa.

#### *Aaqqiissutissatut siunnersuut – suliartigut naliliineq*

Nuuk Natur- og Geopark (Nuuk Pinngortitaq aamma Nuna) nalilerneqarpoq pitsassuartut, umiarsualivitoqqangortup ineriartorteqqinneqarnissaanut aammalu Nuup Kangerluani eqqaanilu takornariaqarnermut, kisiannili aamma Nuup kulturikkut neqeroorutaasa ineriartortinneqarnissaannut. Visitor Centeri nioqqutinik nutaanik saqqummiinissamut periarfissiivoq, takornarianut nunap pinngorneranik soqutigisalinnut aamma saaffiginnittunik, aammattaarli centeri annertuumik katersuuffiussaaq Kalaallit Nunaata naleqanngitsumik pingaaruteqarluninartunillu nunap pissusii pillugit paasisaqarfiunerani qitiusimaneq pillugu inunnut siamasissunut paasissutissiinermi. Attaveqarneq aammalu pinngorartitsineq qitiutillugit paasissutissiinikkut, silami paasissutissiinikkut sammisassaqaqtitsiveqarnikkut, atuarfinnik sullissinikkut caféqarnikkullu, Visitor Centret Nuuk Natur aamma Geopark kangerlummi pinngortitap oqaluttuassartaanik aamma Nuummi umiarsualivitoqqami misigisassat nutaat saqqummiussinnaavai. Tamakkua tamarmik politikkikkut anguniagaapput, Nuuk pillugu illoqarfiit pingaarnersaannut periusissiami aamma Nuuk illoqarfittut ilisimasaqarfittut kiisalu Nuuk takornariaqarnermi qitiusutut anguniakkani oqaatigineqartuni, taamatullu Kommunalbestyrelsimi Inuit Ataqaatigiit aammalu Demokraatit suleqatigiinnissamik isumaqatigiissutaanni, tassani takornariaqarnermik inuussutissarsiuteqarnerup siuarsarneqarnissaata tapersorsorneqarnissaanik kissaateqartoqarmat.

### *Aningaasaqarnikkut sulisoqarnikkullu naliliinerit*

Suliassaq Namminersorlutik Oqartussanit 120 mio koruunik naleqartussatut nalilerneqarpoq. Namminersorlutik Oqartussat 15 mio koruunik suliniummut tunniussissapput kommunilu 8 mio koruunik nassaartussaavoq. Sinneruttut avataaniit aningaasaliisussarsiuunneqassapput. Taakkua saniatigut suliamut suleqatigiissitaliortoqassaaq, suliap siuarsarneqarnissaanik qulakkeerinnittussanik, tassanilu kommune ilaasortaataitaqassaaq. Aammattaaq kommune peqquneqarpoq, pilersaarummut tunngavissaq suliarissagaa aamma/imaluunniit suliap suliarineqarnissaanut tunngavissamik nutarterinissaq pillugu. Ingerlanneqarnera suliffeqarfimmit imminut ingerlattumit Greenland Visitor Centerimit ingerlanneqassaaq.

Nalilerneqarpoq kommune umiarsualivitoqqap ineriartortinneqarnissaanut 8 mio koruunit atorlugit pingaarutilimmik inissisimatinneqassasoq aamma Nuup Kangerluani eqqaanilu takornariaqarnermik ineriartortitsinermi taanna Visitor Center atorlugu. Tamatuma saniatigut suliniut centerip pilersinneqarnerani ingerlanneqarneranilu suliffissaqartissaaq, ikiuutaassaarlu sumiiffinni nunat ornitassat misigisassarsiorfigineqarnissaanut aammaassisuussagami.

### *Inatsisitigut tunngavissaq allakkallu tunngaviusumik uppernarsaatitallit*

Tikeraat ornittagaannik takornariatitsivinnillu pilersitsisarneq ingerlatsinerlu pillugit Inatsisartut inatsisaat nr. 25, 28, novembari 2016-imeersoq

Nuna tamakkerlugu takornariaqarneq pillugu immikkoortumut pilersaarut 2016-2020

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17, novembari 2010-meersoq

Kommuneqarfik Sermersuumi Kommunimut pilersaarut 2028

Illoqarfiit pingaarnersaat pillugu periaasissat

Kommuneqarfik Sermersuumi kommunalbestyrelsimi 2017-imit - 2021-mut Inuit Ataqatigiit aamma Demokraatit suleqatigiinnissamik isumaqatigiissutaat

### *Ingerlariaqqinnissaq*

Suliaq Aningaasaqarnermut Inuussutissarsiornermullu Ataatsimiititamit akuerineqassappat, tamatuma kingornatigut Kommunalbestyrelsimut ingerlateqqinneqassaaq inaarutaasumik akuerisassanngorlugu.

Suliassaq namminermi ima piffissalersorneqarpoq:

- 2019-ip aallartinnerani suliassamik ineriartortitsineq aningaasaliinerlu.
- 2019-ip naanerani - 2020-p aallartinnerani suliassaq pillugu aamma saqqummersitsinermik unammisitsineq.
- Pilersaarusiorneq suliariumannittussarsiuussinerlu: 2020-p aallartinneranit – 2021-p qiteqqunneranut.
- Sanaartorneq: 2021-p qiteqqunneranit - 2022-p naaneranut.
- Ingerlatitsilerneq: 2023-p qiteqqunnerani

### **Aningaasaqarnermut Allatseqarfimmit oqaaseqaatit**

Suliaq pineqartoq Aningaasaqarnermut Allatseqarfimmit innersuussutigineqarpoq.

### **Siusinnerusukkat aalajangerneq**

*Aningaasaqarnermut Inuussutissarsiornermullu Ataatsimiititap aalajangernera 8. novembari 2018-imeersoq:*

Inassuteqaatit akuersissutigineqarput.

### **Innuttaasunik peqataatitsineq/attaveqatigiinneq**

Oqaaseqaateqanngilaq

**Ingerlatsivinnit allanit oqaaseqaatit**  
Oqaaseqaateqanngilaq

**Ilangussaq**

1. Nuuk Natur- aamma Geoparkip pilersinneqarnissaa pillugu Kalaallit Nunaanni Namminersorlutik Oqartussat aamma Kommuneqarfik Sermersuup suleqatigiinnissamik isumaqatigiissutaat